




Ա Մ Ս Ա Գ Ի Ր

ԿՐՕՆԱԿԱՆ, ՊԱՏՄԱԿԱՆ, ԲԱՆԱՍԻՐԱԿԱՆ ԵՒ ԲԱՐՈՅԱԿԱՆ

Գ. ՏԱՐԻ ԹԻԻ Ե. 1870 ՍԵՊՏԵՄԲԵՐ

Կ Ր Օ Ն Ա Կ Ա Ն

ՃԱՌ

«Երբեք չենք» այս աստիճանի վրա խորհրդարանի մասին լուրջ մտախոհություններ են ծագում։ Այս աստիճանի վրա խորհրդարանի մասին լուրջ մտախոհություններ են ծագում։

(Երբեք չենք և վերջ)

Ուստի և ասեն, կամեցաւ գնալ 'ի վերայ ծընկաց յերուսաղէմ, զի անդ կատարեսցի. և այնպէս իջեալ 'ի լեռնէն և անցեալ ընդ ձորակ մի՝ առաքէ Տէրն նորա Բրիստոս, երկու սերորէս ընդ առաջ նորա՝ ասել ցնա պատկառանօք. "Ի քո անտանելի ճգնութենէդ, և կաց 'ի վերայ ոտից քոց, և ել 'ի լեռանդ՝ ուստի իջերդ, և անդ վախճանեսցիս, և ոչ որ դիտասցէ զմահ քո առ ժամայն, և ոչ առնուն զքեզ 'ի պաշտօն բարուր խրատեալ 'ի քէն ժողովուրդն քո": Չոր և արարն իսկ, և 'ի տեղւոյն խաչս կանգնեաց և Սերովբէս անուանեաց. և այժմ գեղակ է տեղին՝ ուր խաչն կայ հրաշագործ, և անուն գեղջն կոչի Սերովբէք մինչև ցայսօր. ստուգապէս և զիտակ են այսմ՝ աւանդութեանս, որ ասացաւս, ել ապա 'ի լեռանն

իմանալի, 'ի լեռն զգալի ըստ հրամանի Տեառն՝ իւրովքն պատգամաւոր սերովբէսքն. և անդ իմաստասիրէր՝ որպէս Եղիայ 'ի Կարմեղոս՝ և կայր խաչեալ անդ զցայգ և զցերեկ, Իսկ յորժամ լցաւ 'ի նա ամենայն խորհուրդք և ամենայն տուրք բարիք և պարգևք կատարեալք 'ի վերուստ 'ի նա իջեալ, և եհաս ժամանակ ելից նորա 'ի խաչաշարշար և 'ի բազմատանջ մարմնոյն, և երթեալ առ Տէրն իւր յանասելի փառսն իւր, զոր ամբարեալ էր. եւ 'ի ընդ թուոյ երեսուն ամաց Քահանայապետութեան նորա, զբարուր պատեալ զամեն պատերազմեալ, զհաւատսն պահեալ զընթացսն կատարեալ, և յանթառամ պսակն հասեալ, հանէր ապա հրամանն Տեառն՝ զնա 'ի կատար լերինն Սեպուհ, և ցուցանէր նմա զերկիրն

Աւետեաց՝ զվերինն Երուսաղէմ՝ զանդրանկաց եկեղեցի, որ սպասէին նմա, Զորօրինակ, մեծն Մովսէս զՊաղեստին տեսանէր 'ի Նաբաւ լեռնէ և վախճանէր: Այսպէս և մերն Մովսէս յետ վերնային փառաց տեսեանն՝ տեսանէր և զսահմանս վիճակին իւրոյ, զորս խաչակնքեալ օրհներ, և յանձն առնէր Աստուծոյ՝ հայրենի աղօթիք և յորդառատ արտասուօք: Եւ ապա աւանդէր 'ի ձեռս Աստուծոյ զանարատ հոգին միայն ընդ միոյն Աստուծոյ գոլով. և նշխարք մարմնոյն կարօտ և ծարաւի թողեալ, զբիւրաւոր բանակս ուստերաց և դատերաց իւրոց, և խանդակաթ և կաթողին զմանկունս առագաստի՝ և զողայս հոգեւոր երկանց իւրոց, որք ոչ լուան զյետին խօսս խրատու նորա առ մխիթարութիւն իւրեանց, և ոչ զարդարեցին զգին նորա, և ոչ լացին զնա զաւուրս երեսուն, որպէս տունն Եսայէի զՄովսէս և զԱհարօն: Այլ փոխանակ նոցա՝ սին հրեղէն՝ և բանակք հրեշտակաց շուրջ զաստուածընկալ մարմնով նորա, և անպատմելի ուրախութիւն 'ի մէջ դասուց երկնաւորաց՝ շուրջ զմարտիւր և զԲերիստոսագեղ հոգեւով նորա: Իսկ զհօլմանաւորելն երկնաւոր փառօք զմարմին Հովուին մերոյ, զքաջ ի հովուաց բարեբախտաց գտեալ թաղեցին անգիտաբար. և տեսեալ զնա՝ զի կայր կանգուն յեցեալ 'ի գաւազանն՝ տարածեալ ձեռօք, սակայն իմացան 'ի փառաց լուսոյն՝ թէ մեծ ծառայ Աստուծոյ է: Զոր եգիտ ապա ճգնաւոր սուրբ Գառնիկ, և տարաւ 'ի Թորթան. և անտի տարաւ Զենոն կայսր 'ի Պոստանքնուպոլիս. և յետոյ բերաւ շնորհօքն Քրիստոսի՝ 'ի Հայս՝ 'ի ձեռն Գրիգորի Պատրիկի. որոյ կէսն եղաւ 'ի ներքս չորից սեանցն սուրբ Գրիգորին առ ապարին, և այլն յեկեղեցիս և յայլ բաղլում տեղիս զանձեցաւ: Եւ Աջն շնորհակալ և լուսարաշիս հանդերձ այլ նըշխարօք՝ և նորին պատարագամատոյց սեղանոյն և գաւազանն կայ յաթոռ սրբութեան իւրոյ՝ յԱստուածապաշտողեանն Հռոմկլայն կոչեցեալ. և ծնանի զաւակս և աղբիւրացուցանէ զշնորհս հոգւոյն ընդ ամենայն Հայաստանայս: Քանզի սին հրեղէն՝ սարս խաւար թակաղաղ ունելով ահաւոր, որ էր իրրե գլխառն մի լուսեղէն խաչի թագադարեալ, զոր մեկնեաց հրեշտակն 'ի տես-

լեանն, եթէ պատիւ Քահանայութեան է այս՝ որ յոյժ բարձր և ահաւոր է խորհրդով, այն ոչ երբէք մեկնեալ 'ի բարձր և յահաւորէ խորհրդով, այն ոչ երբէք է մեկնեալ 'ի բարձր և յԱստուածակառօյց աթոռոյ նորա: Եւ վասն այնորիկ հաստատեալ կայր անշարժելի խարխիսն ոսկիաձող, յաղագս որոյ անդ է Գրիգոր՝ 'ի յաթոռ իւրական փառօք: Եւ տարածեալ է անուն նորա ընդ ամենայն տիեզերս Տէրութեան Աստուծոյ. քանզի յամենայն տիեզերս, և յերկիր եւ բարբառ նորա, և մինչև 'ի տիեզերս հասին խօսք նորա: Եւ նշխարք սուրբ ոսկերաց նորա՝ և լրմամբ շնորհի իւրոյ՝ տարեալ էր Գրիգորիոս ընդ ամենայն իւրաշէն եկեղեցիս: Եւ զորիկ զգուանօք անուն նորա 'ի շրթունս ուղղափառ զաւակաց իւրոց, և յամենայն ազգաց Լուսաւորիչ Հայոց կոչեցեալ Գրիգորիոս: Գրիգորիոս Լուսաւորիչ Հայոց վասն զի այլոյ ուրուք ազգի առաջնորդի՝ ոչ կայ անուն լուսաւորիչի, թէպէտ էին ամենեքեան լուսընկալք՝ և լուսատուք ազգացն՝ զոր հանին 'ի խաւարէ կռապաշտութեանն: Այլ զի մերն Լուսաւորիչ՝ պարզաբան, յստակախօս, օգտեցուցիչ էր, և մեկնօղ Աստուածային և երկնաւոր խորհրդոյն, և լոյս ծագէր 'ի բանից նորա, և տայր շնորհս լսողաց: Լուսաւորիչ կոչեցաւ, որպէս սրբաբանն և պայծառախօսն Յովհան Ոսկիբերանն ասացաւ: Ասն դարձեալ, թէ երկու ինքնակալքն Պոստանդիանոս և Տրդատէս, և Պապքն երկոքին՝ Գրիգորիոս և Սեղեմսորոս՝ եկին 'ի Հռոմայ յԵրուսաղէմ, և վիճակաւ բաժանեցին զտնօրինական տեղիսն, և Հայոցն անկաւ Սնարքն և Գողգոթայն, և սուրբ Պարապետն և սուրբ Յակոբ. և սուրբն Գրիգոր կանթեղս կախեաց 'ի սնարսն, և խնդրեաց զիջումն լուսոյն յԱստուծոյ 'ի նշան ժամու Յարութեան իւրոյ՝ ամի ամի 'ի փառս անուան իւրոյ՝ և յիշատակ շնորհաց Հօրն մերոյ սրբոյ, և յաղագս այնորիկ Լուսաւորիչ կոչեցաւ: Եւ քան զազգս բաղումս խաւարատանջ, մատախղամածք, յուսակորոյսք, և 'ի ձեռն նորա լուսաւոր վարդապետութեանն քան զյոյրովս մեծագոյն շնորհի արժանացաք, իմաստութեամբ և ուղղափառ հաւատով աննենգ, անբիծ և անարատ խոստովանութեամբ՝ զի առ աւել եղևն մեզքն, առ աւել եղևն և

յաւելան շնորհքն. յաղագս որոյ մեր լուսաւորեալք, և նմա միշտ Լուսաւորիչ անուանեցաք՝ և անուանեմք. Յայտնապէս՝ որպէս արեգակն 'ի մէջ երկնից լոյս անշիջանելի հանապազ վառեալ 'ի նշխարս ոսկերաց իւրոց, և կայ միշտ յաթոռ փառաց իւրոց. ուստի բաշխի և բաժանի յաճախաբար պարգևօք՝ յուղղադաւան ժողովուրդս և 'ի վիճակն սահմանաց իւրոց՝ էացեալ և արմատացեալ մինչև յաւիտեան. Գրիգորիոս Երեմիայի կոչեցեալ թարգմանութեամբ, յարակիր և ներգործական անուամբ. որ ոչ երբէք ետգւր քուն աչաց, և ոչ ծանտութիւն արտեանաց, և ոչ հանդիստ դժուարաբեռն մարմնոյդ, մինչև գտնի զտեղի յարկի Տեառն Աստուծոյ Յակոբայ և տանս Թորգոմայ. Գրիգորիոս՝ որդի միսթարութեան ըստ պլում կոչման, ոչ մօրն քո Ոգոհեայ, այլ բոլոր Հայաստանեայց եկեղեցւոյ. ոչ որդի վշտաց՝ որպէս Բենիամին մօրն իւրոյ Հռաքելի, և առիթ մահու. և կամ վայ՝ Քարովութեացն 'ի յառման տապանակին. Այլ առիթ բերկրանաց և պատճառ կենդանութեան սկնդուկ և ամուլ աշխարհիս, արեւելից Հիւսիսոյ ըստ Սահակայ. և Իսրայէլի՝ ազատածին և պարգեական զաւակացն Սառայի և Ռեբեկայ. յորմէ օրհնեցան ոչ սակաւ ազգք և ազինք, և զանազականն առին զվիճակ. Գրիգորիոս՝ հիմն հաւատոյ, սին եկեղեցւոյ, յարգարիչ Աստուածատուր կրօնից, յարացոյց անարատ քաղաքաւարութեան ըստ Քրիստոսի. Գրիգորիոս՝ հաստատութիւն երկրի, նաւաստի ծովու, բարձրութիւն երկնից, արեգակն 'ի մէջ աղօտ երեւակ լուսաւորաց. Գրիգորիոս՝ համասնունդ հրեւոյնեաց, համապատիւ վեհոյն երջանեաց, անուանակիր պետութեանց, իշխանակից իշխանութեանց, զօրակից զօրութեանց. Գրիգորիոս՝ դասակից Սերովբէից, հաղորդակից Քերովբէից, և հանդիստ և աթոռ սրբոյ Երրորդութեանն. Զորոյ զգութն ողորմութեամբ և միսթարութեամբ դարձուցես 'ի ժողովուրդս քո, և 'ի վիճակ ժողովութեան քո, յաղագս Հայաստանեայց, որք անննգ և անխարդախ պահեն զառ 'ի քէն եղեալ հաւատս՝ չարարանօք և ճգնութեամբ 'ի պարծանս քեզ յաւուրն Քրիստոսի. Թէպէտ և 'ի բարեաց գործոց աղքատ գտանիմք՝ և յոյժ ամաչեցեալ,

զոր քաւեսցես մարուր Քահանայապետդ մեր՝ և Աստուածային ծնողդ, և Հայցեսցես ընդ զաւետեաց խոստումն, վերանալ և ելանել յառաջին փառսն և 'ի պայծառութիւն՝ թագաւորութեամբ՝ քահանայապետութեամբ. և գործովք արդարութեան 'ի հաճոյսն Աստուծոյ. Եւ զսակաւ ծաղիկս զայս՝ հաւաքեալ 'ի խօսուն մարգաց՝ ընկալ 'ի հիւսս զսակի ամենարժան Գլխոյդ, և տուր տեղի խորանի քո՝ աստիճանաժառանգ՝ որդւոյ քո՝ խնդրողի բանիս՝ ևս և յուսով աշխատողիս իմ, որ ամենեւին եմ անարժան որդիութեան քո և աշակերտութեան. Բայց միայն 'ի ձեռն Քոյոյ մաղթեմանց՝ սպասեմ ողորմութեան Աստուծոյ՝ հասանել խորհրդով տնօրէնութեանն Քրիստոսի՝ և 'ի հեղումն արեան՝ նորա. որ է օրհնեալ և զոհաբանեալ 'ի փառս Հօր, և 'ի պատիւ ամենասուրբ Հոգւոյն, և 'ի հրեղինաց և 'ի հողեղինաց, 'ի սուրբս իւր յամենայն արարածս, պիժմ և միշտ և յաւիտեանս, ամէն.

Պ Ա Տ Մ Ա Կ Ա Ն

ԿԵՆՍԱԳՐՈՒԹԻՒՆ

ՉԱՔԱՐԻԱՅ ՊԱՏՄԱԳՐԻ

ՍԱՐԿԱՒԱԳՐԻ ԵՌՎԱՆԵԱՎԱՆԱՅ

Չաքարիա Սարկաւադ Յովհաննավանաց, որ էր 'ի սերնդոց Ազատացն Վ լոյս, որոյ և նախնիքը Վանաքեռ գիւղը կ'ընակէին, մեր Ազգի մէջ Գալբիժեցի Առաքել պատմադրէն ետքը՝ եօթնևտասներորդ դարու պատմադրաց մէկն է:

Սա իր պատմադրութիւնը երեք հատորի բաժանելով, առաջին և երկրորդ հատորոց պատմութիւնը Հահայապազայ օրէն կ'սկսանի և կ'հասցնէ մինչև հայոց Թ. Վ. Զ.